

نومبر ۹

جمعه ایرتسی

تاریخ تأسیس
۱ مایس سنه ۱۲۹۷

عمومی اعتباریه فنونه دائر رساله ادبیه در

آیده درت کره اوله رقی جمعه ایرتسی کونلری حیقار

حکومت ایتدیکنی کورمک استر حالبوکه هوا وهوس ورزائل
شخصیه نك خصال وشیم وفضائل عمومیه ایله اولنان منازعات
دائمه منظره سی لاینقطع کوزلرینی چارپار.

مابعدی وار

قدمای ملوک مصریه تاریخی - مابعد

حالبوکه مومی الیها قلیوپاتر پک مکاره اولمقله انطوانه خیا -
نتلک ایتک طریقنی تحری ایلکده ایدی شویله که انطوان برای
استدعای مصالحه اوقتا و طرفنه مرخص سفرا ارسال ایدوب
مصر قرالیتی قلیوپاترک یدنده ابقا اولمق شرطیله کندوسی هر
شیدن فراغت ایتک واحاد ناس کروهنه کیروب آتنه شهرنده
تعیش ایلک ماده لرینی تعهده مآذونیت کامله دخی ووردیکی حالد
قلیوپاتر کندی طرفندن دخی همان مأمورلر اعزامیله ظاهرده
رسماً استدعای مصالحه ده مأمور ایتش ایسده مصر قرالیتی
کندوسنه ابقا اولندیغنی صورتده کندوسی انطوانی بتون بتون
ترک ایله اوقتاوک طرفنه دونه جکفی تأمین ایلسنه دخی خفیا
تعلیمات ویرمش اولدیغندن بریرینی قووالیدرق مصالحه ده شتاب
ایدن بویله مرخصله اوقتاو جواب بیله ویرمیوب قلیوپاترک
سفراسنی بعض واهی وعدلر ایله اغفال وانطوانک الچیرینه
علناً ورسماً استسقال ایدرک کندوسی مصر جانبنه عزیمتله ابتدای
امر ده بیلوس شهرینه واصل اولمشدر . قلیوپاترک خفی امرینه
مبنی شهر مذکورک محافظه سنه مأمور اولان عساکر اصلا
مقاومت ایتیبوب مومی الهی متبوعلرندن الدقلری اوامر موجبجه
حسن قبول ایتلر بله قرانیجه مومی الیها بو صورتله انطوان

علیهنده ارتکابنه محاسرت ایتدیکی خیانت و دغائت بر مرتبه
جنایتکارانه نیه وارمش ایسده اوقتاوک مظهر توجه والتفاتی
اولسنه کفایت ایده مدیکندن اموال نامعدوده سینی دخی
عبادتگاهلردن برینه قریب بر جسم مزارده اخفا ایتشیدی
مومی الیه اوقتاو قلیو پاترک معاونتیه اصلا محاربده حاجت
قالقمسزین اردوسیه برابر خیله ایله اسکندریده قدر کلدکده
انطوان شجاعت و غیرت قدیمه سندن غیری استمداد ایده جک
برشی قالمدیغنی و قلیو پاترک نزدنده مزینتی محافظیه پک محتاج
قالمدیغنی کوروب بر قوم جزویه ایله اسکندریدن بالذات
خروج و اوقتاوک اردوسیه قانی و دهشتلی محاربده طوتوشه درق
عسکرده کی فرط حیت سائقه سیله غالب اولدقده اسکندریده
عودت ایتش ایسده کجیدی قلیو پاترایله عشرت و ذوق اهنکله
صرف و هبالیدیکندن و تابصاح کوزینه قلیو پاتردن غیری کیمسه
کورینه مدیکندن ایرتسی کون تکرار بحرأ محاربه ایتک صدندنه
بولندیغنی صرده مصرک موجود سفایینی اوقتاوه تسلیم اولندیغنی
خبرینی المشر .

بونک اوزرینه انطوان نه یاپه جغنی شاشیروب کندیسنه
فتور عظیم کلکله او قتاوی یالکز ایکسی ییشده اولمق اوزره
مقاتله ده دعوت ایتش و فقط مومی الیه اوقتاو اگر انطوان
جائندن اوصافش ایسه عاتنه بشقه طریق بولسون جوابینی
ویرمشر .

انطوان بو درجه لرده مأیوسیت عالنده ایکن کندیسنه
جائی تاجنی سلطنتی ناموشنی تقدیم ایتدیکی عزیزه سی مومی الیه
قلیو پاتر انطوانک قرناسنی یعنی دنی آدم لرینی جیل و اعطای

حسن تعلیمات ایله مومی انیهمی انطوانه کوندروب قلوپار
 کندی کندوسنی تلف ایلدیکنی افادهیه مأمور اتمکله و او
 حریفلرده بویله ایشلری پک ایی یحرمکله انطوان بوخبری الدقه
 بایله درجه لرینه کلوب و محاربه یی دشمنی فلانی عقلیه برابرغیب
 ایدرک بنم اللهم قلیوپارایدی بن یالکرخالق مذکور ایچون دنیاده
 قالمقده ایدم دید که و ارتق بونک اوزرینه کرچکدن دلیره رک
 کوله لرندن برینه کل بنی قتل ایت دیو امر ایلدکه مذکور
 کوله یه - ولی نعمتی کندی ایله اولدیرمک کیفیتی کندی نفسه قیقندن
 دها اشنع کله رک اصلا جواب ویرمیوب و خیرینی چکوب کندو
 کندوسنی قتل ایتسمیله انطوان بنم دخی فی الواقع بو وجهله
 حرکت ایتمکله لازم دی دیه قلیجی چیقاروب کندوسی اوزرینه
 القا برله پک فنا حالده مجروح اولش ایسده اصدقا سندن بعضلری
 کلوب قلیوپارک تلف اولدیغنی یعنی مومی ایها صحیحاً حیاته
 اولدیغنی افاده ایتسمیله انطوان یاره لرینی صار درمغه و معاله جیه
 وقت براقیدرق همان قرالیدنک بولندیغنی قلعه یه کیمش در
 اوقتاوک عساکرندن خوف اولدیغندن قلعه قهولری مسدود
 اولغله برینجیره دن اوزون ایپلرله کندیستی باغلاندرق بیک
 عذاب و تهلکه ایچنده یوقارویه آلدق لرنده جریحه سی ذاتا
 پک آغر اولغله همان وفات ایتک درجه سنه وارمش ایکن باقی
 قلان قوه جزویه سنی طوپارلیوب قلیوپاره کال اشتیاق و تحسرله
 عطف نکه ایله اوقتاوک دیسیسه و خیله سندن حزر ایتسمنی
 توصیه ایدرک و کندوسندن دایما ممنون و متشکر اولدیغنه یمن
 ایلیدرک و قلیوپارک قوجاغنده وفات ایتکده اولدیغندن کندوسنی
 بختیار عد ایلدیکنی بالیان کندوسنه اجنبیلر غالب اولیوب

روما جمهوری غلبه ایتدیکندن بو مغلوبیت کندوسنه اصلا موجب محجوبیت اولمادیغنی دخی افاده ایلیوب تسلیم جان ایلدی.

اول آنده اوقتاوک ضابطان عسکرینه سندن بریسی قلیو پاتره عسکرینه برابر تسلیم اولسنی تکلیف ایتک اوزره قلعه قپوسنه کلش ایسده مومی الیا حضورینه قبول ایتدیکندن ضابط مذکور بر قاج عسکر ایله پنجره دن دخول ایلدکه قلیو پاتر بر خنجر آلوب کندی کندیغنی تلف ایتک نیتده بولتمش مابعدی وار.

اربابندن سؤال

مدنی بر ادم مجموع حوائجی استکمال ایدرک تعیش ایتک ایچون قاج کشینک خدمت و معاونتده محتاجدر ؟

§

مدنی بر مملکتده کی صورت تعیش ایله بزم مملکتده کی تعیش اره سنده نه کی فرقلر واردر ؟

§

برملته مدنی دیمک ایچون کندوسنده نه کی شرائط بولنق ایجاب ایدر ؟

§

علم - وفن نه دیمکدر . بونلرک تحصیلندن مقصد ندر ؟
جهانده قاج درلو علم - وفن واردر ؟

شخص مجهول